



Siège national  
47 rue d Clichy  
75311 Paris Cedex 09  
Tél : 01 45 96 03 05

## VP alarobia 17 jona 2020

2 Samoela 12. 1-16 Ny nibebahan' i Davida, rehefa nanarin' i Natana

*Mpitarika : Pst Solohery Raobinarison*

Amin'ny anaran'ny Ray sy Zanaka ary ny Fanahy Masina, Amen !

**Fiarahabàna :**

**Hira 476 and. 1, 2 (« Ny eo akaikinao, ry Ray »)**

**Vavaka**

### Vakiteny 1. 2 Sam 12.1-4

1 Ary Jehovah naniraka an' i Natana hankao amin' i Davida. Ary dia tonga tao aminy izy ka nanao tamin'ny hoe: Nisy olona roa lahy tao an-tanàna anankiray, ny iray manan-karena, ary ny iray malahelo. 2 Ilay manan-karena nanana ondry aman' osy sy omby betsaka; 3 fa ilay malahelo kosa tsy nanana na inona na inona afa-tsy zanak' ondry vavy kely iray monja izay novidiny; ary nokolokoloiny tsara io ka nitombo teo aminy sy ny zanany; **fa tamin' ny hanin-kelin-dralehilahy no nihinanany, ary tamin' ny kapoakany no nisotroany, sady notrotroiny teo an-tratran'ny izy ka nataony toy ny zananivavy.** 4 Ary nisy vahiny tonga tao amin' ilay manan-karena, nefa ny ondriny aman' osiny sy ny ombiny notsitsiny ka tsy nangalany hatao nahandro ho an' ilay vahiny tonga tao aminy; fa ny zanak' ondry vavin' ilay malahelo kosa no nalainy, ka dia nataony nahandro ho an' ilay olona tonga tao aminy.

### Fanazavana ny teny

**Hira 408 and. 1 sy 2. (« Jehovah Ray mahari-po »).**

**Vavaka isan-tokantrano :**

- mifona ho an'ny kristiana manana andraikitra, nefa jamban'ny fitiavan-tena.
- Mivavaka ho an'ny mpitondra firenena rehetra, mba hisy fahamarinana sy rariny,
- mivavaka ho an'ny mijaly, ho an'izao tontolo izao.

**Vavaka mpitandrina.**

## Vakiteny 2. 2 Sam 12.5-9

5 Dia nirehitra mafy ny fahatezeran' i Davida tamin' izany olona izany, ka hoy izy tamin' i Natana: Raha velona koa Jehovah, **tsy maintsy hatao maty izay olona nanao izany**; 6 ary ilay zanak' ondry vavy tsy maintsy honerany efatra heny noho ny nanaovany izany zavatra izany sy noho ny tsy namin-drany fo. 7 Dia hoy Natana tamin' i Davida: **Hianao no izy**. Iza no lazain' i Jehovah, Andriamanitry ny Isiraely: **Izaho nanosotra anao ho mpanjakan' ny Isiraely** ka namonjy anao ho afaka tamin' ny tanaan' i Saoly; 8 ary nomeko anao ny tranon' ny tomponao sy ny vadin' ny tomponao ho andefimandrinoa, ary nomeko anao koa ny firenen' Isiraely sy Joda; ary raha mbola tsy ampy ho anao izany, dia ho nomeko bebe kokoa hianao; 9 **koa nahoana hianao no nanamavo ny tenin' i Jehovah ka nanao izay ratsy eo imasony? Oria Hetita nasianao ny sabatra**, ary ny vadiny nalainao ho vadinao. Eny, efa novoinao tamin' ny sabatry ny taranak' i Amona izy.

## Fanazavana ny teny

Hira 408 and.3 sy 4. (« *Tsy Tambiko isaina re* »).

Vavaka isan-tokantrano :

- Mivavaka
  - mba hahay hihaiky heloka. Tsy tia mitsaratsara ny hafa.
  - ho mpankato ny tenin'ny Tompo, tsy hanamavo izany.

Vavaka mpitandrina.

## Vakiteny 3. 2 Sam 12.10-12

10 Koa noho izany dia tsy hiala amin' ny taranakao mandrakizay kosa ny sabatra, satria nanamavo **Ahy hianao** ka naka ny vadin' i Oria Hetita ho vadinao. 11 Iza koa no lazain' i Jehovah: Indro, Izaho efa hahatonga loza aminao avy ao amin' ny ankohonanao ihany; ary hesoriko eo imasonao ny vadinao ka homeko ny namanao; ary izy handry amin' ny vadinao amin' izao antoandrobenanahary izao. **12 Fa hianao nanao izany tao amin' ny mangingina**, ary izaho kosa haneho izany zavatra izany eo anatrehan' ny Isiraely rehetra sy amin' izao antoandrobenanahary izao.

## Fanazavana ny teny

Hira 408 and.5 sy 6 (« *Fa Jeso no anarana* »).

Vavaka isan-tokantrano :

- Mivavaka mba tsy hamafy ho an'ny nofo fa ho an'ny Fanahy.

#### Vavaka mpitandrina

#### Vakiteny 4. 2 Sam 12.13-16

13 Dia hoy Davida tamin' i Natana: **Efa nanota tamin' i Jehovah aho.** Ary hoy kosa Natana tamin' i Davida: **Jehovah efa nanaisotra ny helokao, ka tsy ho faty hianao.** 14 Nefa noho ny nampitenenanao ratsy ny fahavalon' i Jehovah amin' izany zavatra izany dia ho faty tokoa ny zaza izay haterakao. 15 Ary Natana nody tany an-tranony. **Ary Jehovah namely ny zaza izay nateraky ny vadin' i Oria tamin' i Davida, ka dia narary be ny zaza.** 16 **Ary nifona tamin' Andriamanitra ho an' ny zaza Davida, dia nifady hanina sady niditra ka nandry tamin' ny tany mandritra ny alina.**

#### Fanazavana ny teny

**Hira 408 and.7** (« *O ! mba jereo ka iantrao* »).

#### Vavaka isan-tokantrano :

- Mivavaka isika mba handeha amin'ny mazava tahaka an'Andriamanitra eo amin'ny mazava. Mba tsy ho hadinon'ny fiangonana fa zanaky ny mazava izy.
- Mivavaka ho an'ny « déconfinement », ny hahazoan'ny fiangonana miverina miangona indray.

#### Vavaka ny mpitandrina.

**Ho famaranana, hoy i Jakoba :** « *19 Ry rahalahiko, raha misy eo aminareo miala amin' ny fahamari-nana, ary misy anankiray mampibebaka azy, 20 aoka ho fantany fa izay mampibebaka ny mpanota hiala amin' ny lalan' ny fahadisoany dia hamonjy fanahy tsy ho faty sady hanarona heloka be.* » (Jak 5.19-20).

**Tsodrano :** « *Andriamanitry ny fiadanana anie hahamasina anareo samy ho tanteraka, ka aoka harovana avokoa ny fanahinareo sy ny ainareo ary ny tenanareo ho tanteraka ka tsy hanan-tsiny amin' ny fihavian' i Jesosy Kristy Tompontosika* » (1Tes 5:23).